

حقوقی بيلکيلر مجموعه سي

هر آي صوکنده نشر اولنور

اکثریت مؤلفین بونک بر واقعه اولدوغی و آئینده بولونورلر . و ظاهر حالده بو رأیک صحتنی تأیید ایدر . چونکه حادثه تصرف موجودیتی بر واقعه دن آلیر . نته کیم ملکیت ادعاسنه قارشی تصرف ادعاسی مسموع ده کیلدر . او حالده بر حادثه حقوقیه اولان ملکیت مواجهه سنده تصرفک (یعنی واقعه نك) بر قیمت حقوقیه سی قالمیور دیملکردر . بویله اولونجه نهدن دولایي تصرفک بر حق اولدوغنی ادعا ایدیوروز؟
بو مهم مسأله نك مناقشه سی کلجک مقاله یه بر اقیورم .

برنجی تجارت عکمه سی رئیس

احمد احمد

اوج سامی واضع قانون

دارالفون مدرسلرندن و مملکت مزك تیشیدریدیکی قیمتلی عالمرندن تورام غالاتی بك افندیك بو عنوان تحتده نشر ائدیکی هم اثرک مقدمه سی بر وجهرر افتباس ایدیوروز؛ بو اثر حقنده کی مطالعه من بونسخه مزك « کتابلر » فصلنده مندرجدر .

خامورابی، بابل حکمداری؛ موسی، عبرانیلرک پیغمبری؛ محمد، مسلمانلرک پیغمبریدر . برنجیسی، میلاددن تقریباً ایکی بیک سنه اول؛ ایکنجیسی، میلاددن تقریباً بیک بشیوز سنه اول و اوجنجیسی، میلادک ۵۷۱-۶۳۲ سنه لرنده یاشامشدر . بز بوراده خامورابی حکمدار، موسی و محمدی پیغمبر صفتیله دکل، افراد آره سنده کی دنیوی مناسباتی تنظیم ایدن واضع قانون صفتیله ندقیق و وضع ایلدکلری قوانین آره لرنده کی نسبتلری تعیین ایتکه چالیشه جغز .

خامورابی، موسی، محمد اوچی ده سامیدرلر . اوجنک وضع ایلدکلری قوانین احکامی، سامیجه یازلمشدر .

سامیلر، آسیانک جنوب غریب سنده کائن و بحر سفید، طوروس جبال سلسله سی، دجله نهری و عربستان شبه جزیره سی احاطه ایدن دکزلر آره سنده بولنان اراضیده یاشامشدر .

سامیلرک، بو حدود داخلده یاشامش اولملری تاریخچه معلوم ایسه ده، اصلی یوردلری حقنده ایکی نظریه واردر . برنجی نظریه یه کوره، سامیلر، تاریخی برزمانده عربستاندن چیقمشلر ایسه ده، اصلی یوردلری مصر ایدی . ایکنجی نظریه یه کوره، سامیلرک اصلی

یوردی عربستان ایدی. فقط قطعه مذکور مک معروض قالدینی تبدلات اقلیمه یوزندن، اورادن هجرت ایتمه مجبور اولمشلردر. بوایکنجی نظریه شایان قبول کورولمکدهدر.

سامیرلک آنا لسانی اصلی سامیجهدر. الیوم ایزی قالمش اولان نولسان آقاده، (بابلیجه واورویجه) کمانیجه (فنیکیجه، بونیجه، موآبتیجه، عبرانیجه) آراجیه، (سوریانیجه) جنوبی عربیجه وحبشیه، شمالی عربیجه غروپلره آیرلمشدر. خامورابی، آقاده؛ موسی، عبرانیجه؛ محمد عربیجه متکلم ایدیلر.

خامورابی، زماننده اسمنه اضافه یازمش اولدینی خامورابی قانونی، [۱] شعار قطعه سنده؛ موسی، زماننده تورانده ذکر ایتدیکی احکام، سینا ححر اسنده؛ محمد، زماننده قرآنده ذکر ایتدیکی احکام، شمالی عربستانده ایلک دفعه اوله رق تعمم ایتمه باشلامشدر.

بواوچ سامی واضع قانونک وضع ایلدکلری احکامک بعضیلری آرسنده تام، بعضیلرنده قریب برمشابهت و بعضیلرنده برنسبت وار ایسه ده، خامورابی قانوننده، دیگر ایکی کتابده بولنیان احکام موجوددر. بوکا حیرت ایدلمه ملی. بونک سینی آکلامق ایچون، بواوچ واضع قانونک یاشادکلری مملکتلرک وضعیت جغرافیهرله او وضعیتلرک احداث ایلدکلری اجتماعی، حرثی، اقتصادی وضعیتلری تدقیق ایتک ایجاب ایدر.

خامورابی — خامورابینک حکمدار اولدینی شنعار مملکتی، الیوم بین النهرین (مزه و نوما) تسمیه اولان قطعه درکه، وقتله کوچوک کوچوک حکومتلردن تشکیل ایتش ایدی. خامورابی زمانه قدر بابل مملکتی، برنوع دره بکلک اصوله تابع ایدی. فقط خامورابی بیوک بر ایمپراطورلق تأسیس ایتدیکی وقت، ایمپراطورلک بتون اهایسنه تطبیق ایدلک اوزره، بر قانون تدوین ایتشدر. خامورابی، بوقانونک اصل واضعی دکلدر. قانونک بعض آقاسی، وقتله شومهرلر ایله بدوی سامیرلک عرف و عادات حاله کچن بعض احکامندن عبارتدر. خامورابی، بو عرف و عاداتی جمع وتلقین ایدرهک، اونلری کندیسنک وضع ایتدیکی احکامه علاوه ایتش واسمنه اضافه قانونی میدانه کتیرمشدر. یکپاره برطاش اوزرینه حک ایدلش اولان خامورابی قانونسک محتویاتی، کیل لوحه لر

[۱] دنیانک اسکي قوانین کلیاتی اولان «خامورابی قانونی»، شخصی بعض مطالعه لر علاوه سیله، طرفدن ترجمه ایدیلرهک ۱۹۲۵ ده استانبولده طبع اولمشدر. بوقانون ۲۸۲ ماده دن عبارتدر. متن کتابده مختلف نومرولر ایله کوریلجهک اولان ماده لر، بوقانونک ماده لریدر.

اوزرينه استساخ ايديلهرك . ايمراطورلغك مختلف يرلرينه كوندولمش وبعض محكمه لره وضع اولمشدر .

خامورابي قانوني . لك كوچوك اجتماعي زمرة نك مناسبات وروابط متقابا سنى-بسيط وابتدائى بر صورتده اولسون بيله - تايمين ايدن حقوق مانله ، حقوق جزائيه كچي كچي احكامى احتوا ايتدكدن بشقه ، زراعت ، تجارت ، سیرسقاڻ ، سربست مسلك صنفلى ، عمله وحيوان اجرتلى حقه دهده احكام احتوا ايدىور . خامورابي قانوننده كوديلن زراعت ، تجارت ، سیرسقاڻ ، سربست مسلك صنفلى ، عمله وحيوانات اجرتلرينه متعلق احكامى ، اسرايلى ومحمدى احكام ميانندهده كورمىورز . بونك باشليجه سببي بودر : شغار قطعه سنده فرات ودجله نهرلرينك اراضيه ويردكلى انبات قوتلى وبوقوتلردن استفاده ايد بيلمش قوتلى بر دولتك غرتي بوژندن ، زراعت و طولاييسيله تجارت وزراعت وتجارلك توليد ايتديكي بالجله احتياجات ميدانه كمش وبتون بونلر احكام مخصوصه ايله تايبدايدلمشدر . بوكا بگزير بوضعيتي نه سينا شيه جزيره سنده نه ده عربستانده كورمىورز . واقعا موسى ، مبادله ، رهن كچي بعض احكامدن بحث ايتمش ايسه ده ، خامورابي قانوني طرزنده زراعت ، سیر وسقاڻ ، اجورات كچي احكامدن بحث ايتمه مشدر . محمد كنججه ، بو واضع قانون ، قرآنده تجارت ته تماس ايتمش [۱] فقط خامورابي كچي تجارت حقه ده آريجه احكام وضع ايتمه مشدر .

بدوى عربلر زراعتي سومرلر ايدى . بر عرب شاعرى «شرف» تارالارى سورمك ايله دكل ، مزراق ايله آلد ايديلير « ديمشدر . عربجه ده زراعته متعلق بعض كلمه لرك اصلى آراجده در . مثلا : اكار = چفت سورهن ؛ حارت = اكين اكن ؛ ناطور = باغ سورهن ؛ اندر = خرمن [۲] بو قيلدندر .

خامورابي قانوننده بك عصرى احكامه تصادف ايدىيورر . قانون جراح ، طبيب ، بيطر ، معمار اجرتلريني تعين ايدىيور [۳] . زراعت ايشلرنده استخدام اولنان عمله نك اجرتلرى ، كونلرك اوزون ويا قيصه اولملرينه كوره دكيشير [۴] . مختلف صنعتلره سالاك

[۱] آل عمران سوره سى ۱۵۶ ؛ قصاص سوره سى ۷۳ ؛ روم سوره سى ۴۶ .

[۲] Paris 1921, Arabie Antéislamique, Ygd. Guidi

[۳] خامورابي قانوني ، جراح اجرتلريني ۲۱۵ ، ۲۱۶ ، ۲۱۷ نجى ؛ طبيب اجرتلريني ۲۲۱ ، ۲۲۲ ، ۲۲۳ نجى ؛ بيطر اجرتي ۲۲۴ نجى ماده لر ؛ معمار اجرتي ۲۲۸ نجى ماده ايله تثبيت ايدىيور .

[۴] ماده ۲۷۳ .

اولان عمله نك اجر تلى، آريجه بر تعرفه تالعدر [۱]. استيجار مسئلهسى، خامورابى طرفندن نظر اعتباره آلمشدر. كيرايه آلان عمله، حيوان وآرايه نك اجر تى تثبيت ايدلىكى [۲] كى، كملىك كيرالى دى تثبيت ايدلمشدر [۳]. تقريباً دوت بيك سناول وضع ايدلمش اولان بوصوك احكامك، زمانمزد اوروپا نك بعض مملكتمزنده بولنامسى كىفئى، خامورابى دورى نك حرث درجهسى حقتده واضح بر فكر ويرير.

خامورابى قانونى، متنوع محتوياتندن آ كلاشيدىنى وجهله، متعدد عصر لرك مشاهداتندن وپك چوق انكشافاتندن صوكره، كسب حقوقيت ايدى نك ميداه كمشدر. بوحال، بابلك قبيله حياتندن چيقوب يوكسك درجهده انكشاف ايتمش بردولت حياتى ياشادىنى افاده ايدر. موسى — تورانك افاده سنه كوره، مصرده تولد ايتمش اولان موسى، عبرانى لرك مصرده چكدكلى زلملردن متأثر اوله رق بر جرم سياى ايشله دكن صوكره، مدين صحرا سته فرار ايتمش اوراده بر مدت قالدقن صوكره، مصره عودت ايله بنى اسرائيل بوملكتمن چيقارمش، سینه صحرا سته قرق سته دولاشمش وينه تورانك افاده سته عطفأ ارض موعوده واصل اولمازدن اول وفات ايتمشدر. عبرانى واضع قانونك وضع ايتدىنى احكام ميانمده، قبيله احكاممده تصادف ايديلير. موسى، طائله وجزا احكامندن بحث ايتدىكى كى، مبادله وره ندى نك بحث ايتمشدر. صحرا نك وضعيت جغرافيه سى وزمانمده هنوز بردولت حياتنك تأسس ايتمه سى يوزندن، موسى نك قانونى، خامورابى نك قانونى كى حياتك بالجله تظامرات واحتياجاتنه دائر احكام احتوا ايدى مز ايدى. بوبيله اولمقله، موسى نك سوسىاليزم وحقى برآز قومونيزم اساسلرينه تماس ايدن احكام وضع ايله سى شايان حيرتدر [۴].

[۱] ماده ۲۷۴.

[۲] ماده ۲۵۷، ۲۵۸، ۲۶۱، ۳۶۸، ۲۶۹، ۲۷۰، ۳۷۱، ۲۷۲.

[۳] ماده ۲۷۵، ۲۷۶، ۲۷۷.

[۴] تورات، «شيطه» (Chemita) و «يوبل» (Yobel) دن بحث ايديلير. شيطه، هر آلى سنده ن صوكره يعنى يديجى سنده نك ابتدا سنده دانلر، آله جغلى بنى مديونلره باغشلا لر وره نلرنى اعاده ايدلر ايدى الخ. [تنبه، فصل ۱۵] يوبل، هر آلى سنده نك برتعيد ايديلن برنوع اجتماعى — اشتراكى عيدير. يوبلك دوشديكى سنده ايتچنده مبايعه اولنان اراضى (شهرلرده كى اولر مستقفا اولق اوزره) بلا تضمينات اصحابه اعاده اولنور ايدى الخ. [لاويلر، فصل ۲۵]. يوبل انسانمده تكميل كوله لر، كوله لك مدت لرينه باقيلميرق، آزاد ايديليرلر وياش لرنده مرسين دال لريله اولرلش چلنكلر اولدبنى حالده، افندي لريله برابر رقص ايدى نك اكلنيرلر ايدى.

محمد ... محمدك زمانه تقدم ايدن زمانك، قرأند جاهليت زمانى تسميه ايدلديكى معلومدر. جزيرة العربده، جاهليت زماننده الله، سائر الهلردن بيوك اولقله برابر، وحدت الهيه فكرى بك ابتدائى اولوب، اصل بوط پرستلك بتون شدتيله حكمفرما ايدى. چونكه، مختلف وظيفه لر ايله مأمور ايديلن الهلر، الهلر و بوطلر، طوغرىدن طوغرى يه اللهك معيتمده بولنان مأمور و خدمتچى عد اولنورلر ايدى. قبل الاسلامى شاعر عوض بن حجرک :

وباللا والعزى ... [۱]

وبالله ان الله منهن اكبر

يمينه الله ايكي الههك اسملى كچيوركه، بوط پرستلك شدتيله حكمفرما اولديغه علامتدر.

حيات دينه لرلى بويله اولان برمملكت اهاليسنك حيات اجتماعيه لر ينك درجه سنى تقدير اتمك زور برشى دكلدر. عربلرك قسم اعظمى، چوبان وبدوى ايديلر. بونلرك برقىمى بعضاً كويلرده وشهرلرده اقامت ايدرلر ايدى. اهاليك بوصورته ياشامسى قوتلى بردولت حياتى تأمين اتمكه كافى دكل ايدى. برقاج حكومتدن ماعدا، موجود اولان اوفق تفك حكومتلر، سياسى روابطدن عارى وبو برقاج حكومتده، اسايشى وعدالتى تأمين اتمكدن عاجز ايدى.

جاهليت زماننده، عربستانده قادينك وضعيت اجتماعيه سى بك آشاغى ايدى. تعدد زوجاتك حدودى يوق وتعدد ازواجك عادتى موجود ايدى. زنا مسلك حالته ككش ايدى. قادينك، وراثته حق اولدقدن بشقه، وارثلر طرفدن مال موروث كچى عد اولنورلر ايدى. پدرك وفاتسندن سوكره، والده لريله ازدواج و طلاق عادتى، اك عادى بهانه لر ايله تجويز ايديله بيلير ايدى. قين چوجوقلرينك ديرى ديرى دفن ايدلسى عادتى موجود وعشرته واوبونه ابتلا بيوك ايدى [۲].

[۱] «الات، العزى» ايكي الههك اسميدر.

[۲] هند علماسندن مولانا محمد على طرفندن انكلزجه به يازيلان وهندستانك لاهور شهرنده باصيلان Muhammad the Prophet نامنده كى اترك ايكنجى فصلنده، بو وضعيته دائر مهم ومفصل معلومات وارددر. بوكتاب «پيغمبر من» سرلوحه سييله عمر رضا بك طرفندن تركجه به ترجمه ايدلشد.

جزیره العربیه وضعیت بوحالده الیم ایکن محمد، وحدت الهیه فکرینه استناداً دینی و اخلاقی - اجتماعی بر حیات تأسیس ایتمهک چالیشمش و یک چوق مشکلاته معروض قالدقن صوکره مقصدینه نائل اولمشدر. جزیره العربک وضعیت جغرافیایی نظراعتباره آلدینی زمان، عرب واضع قانونی، عبرانی واضع قانونی کی - ایکسی ده بعض کره الله نامنه سوبله یه رک - [۱] بر طاقم احکام وضع ایتمشدر که، بونلر میاننده قبیله احکامنده تصادف اولنور. زمانمژده بیله بعض یرلرده بونلر ایله عمل ایدیلر. ۱۹۰۷ سه سنده، سینا شبه جزیره سنک هیدوغرافیسی (علم توصیف میاه) حقنده تدقیقاده بولنق اوزره، اورایه کیدن برانکلیز، مشاهداتنه دائر یازمش اولدینی راپورده، بوشبه جزیره ده ساکن قبیله لک عرف و عاداتیله احکام حقوقیه و جزائییه سندن بحث ایتدیکی صره ده، «شاید موسی ایله محمد مقبرلرندن قالقوب بو طرفه کلش اولسه لر ایدی، وضع ایله دکلی احکامدن بعضیلرینک هیچ دیکشمه مش اولدقارینی کوره جکلر ایدی. دیور و بوحالی، بوقبیله لک تمامیه اختلاطدن محروم و متقلولانه شدنه متمسک و مربوط اولدقارینه عطف ایدیور.

عرب واضع قانونی، سرقی، سارقک اللرینی کسمک صورتیله تجزیه ایدیور [۲]. ۱۹۱۲ ده بواحکام یمنده سرقی ایله اتهام ایدلش بریهودییه تطبیق اولمشدر. چونکه ۱۹۰۸ ده کی قانون اساسیمزدن صوکره، یمنه ویرلن مختاریت اداره اقتضاسنجه یمنده، آرتق تورکیه ده معتبر اولان قوانین تطبیق ایدلمدیکی ایچون «أل کسمک» جزاسی تطبیق ایدلمکه باشلامشدر [۳].

[۱] موسی، بر دفعه «جزا» و بر دفعه «میراث» مسئله لری حقنده الله مراجعت ایتدکدن صوکره، قرار انخاذ ایتمشدر. (اعداد $\frac{۱۵}{۲۶-۳۳}$ ، $\frac{۲۷}{۱۲-۱}$). محمدک الله ایله تناسی ده چوقدر. «یسألونک» کلمه سی حاوی طغوز آیت (بقره سوره سنده ۱۸۵، ۲۱۱، ۲۱۴، ۲۱۶؛ مائده سوره سنده ۶؛ اعراف سوره سنده ۱۸۶، ۱۸۷؛ انفال سوره سنده ۱؛ نازعات سوره سنده ۴۲ و «یسألونک» کلمه سی حاوی آلتی آیت (بقره سوره سنده ۲۱۶، ۲۱۸، ۲۲۲؛ اسرا سوره سنده ۸۷؛ کهف سوره سنده ۸۳؛ طه سوره سنده ۱۰۵) واردر.

[۲] مائده سوره سی، ۴۱.

[۳] خامورابی قانونی، بعض احوالده ومثلاً کسر وشکست نتیجه سی اولدق وقوع بولان سقرت یوزندن اتهام ایدیلن سارق، سقرتک وقوع بولدینی محله اعدام وکذلک، بریانغینی سوندرمه کیدن ویاغیننده سقرت ایتدیکی تبیین ایدن کیمسه یی، یانغینک وقوع بولدینی محله احراق بالنار جزاسیله تجزیه ایدیور [ماده ۲۱، ۲۵] خامورابی قانوننک ۲۲ نجی ماده سی، خرسزی آیریمجه اولوم ایله تجزیه ایدیور.

بالاده خلاصه کندیلرندن بحث اولنان اوچ سامی واضع قانونك ممتاز شخصیلرینك قیمتلرینی تعیین ایتمکه چالیشم. شهبه سزدركه اوچی ده بیوك مصلحدرد (Réformateur). خامورابی، زماننده آز چوق تبر ایتش بر وضعیت اجتماعی و تأسس ایتش بردولت حیاتی موجود و بر قاچ عصر اول کلتش سلفاری زماننده وضع اولنش متعدد احکام بولش اولدیفندن، وضعیت مذکورده نی تقنین خصوصنده، بالطبع او قدر مشکلات چکمه مشدر. حالبوکه، موسی ایله محمدك معروض قالدقاری مشکلاته قارشى مجادله لری نظر اعتباره آلنیر ایسه، قیمتلری بالطبع خامورابینك قیمتندن دها یوکسکدر. توراته کوره، موسی، مصرده کوله و بو طبرستك حیاتی کچیرمش اولان بی اسرائیلی نید وادیسندن چیقاردقدن صوکره، اولنری قرق سنه سینا صحرا سنده طولاشدیرمق هر درلو قهرلرینی و عصیانلرینی [۱] چکدکن صوکره، کندیلری ایچون بر طاقم احکام وضع ایتش و اولنره قبول ایتدیرمش تغییر دیکرله، کندیلری ایچون قبله حباتیله قاریشیق یکی بر حیات اجتماعیك اساسلرینی احضار ایتمشدر. محمد، بو خصوصده موسی دن آشاغی قالماشدر. بالاده تصور ایدیلن جزیره العربك سیای اجتماعی دیکشدرمك قولای برشی اولما مشدر. عرب واضع قانونك معروض قالدینی هجوملر و بوجوملرک استهداف ایتدکاری غایه معلومدر. ایشته بوصوك ایکی واضع قانونك چاریشمق مجبوریتنده قالدقاری مخالفت نظر اعتباره آلنیر ایسه، احکامندن بعضیلرینك، خامورابی احکامندن بعضیلرینك درجه سنده اولدینی کندیلکنندن تظاهر ایدر. بو، ضروری ایدی. چونکه موسی ایله محمد، درعهده ایتدکاری اصلاحات پروگرامنی حسن نتیجه ایتران ایده بیلیمک ایچون، عبرانیله و عربله قارشى بعض کره مسامحه کارانه طاوور اتمق مجبوریتده ایدیلر. ایشته بونك ایچوندر که موسی ایله محمد، قانون وضعی خصوصنده خامورابی به فاقدرلر.

واثر مزك متننده، اوچ سامی واضع قانونك بعض احکامی قارشىلاشدینی وقت، بر «استعاره» مسئلوسی خاطره تبادر ایده بیلیر. بو استعاره کیفیتی تعیین ایتمک ایچون اقتضا ایدن نقاط استناد مفقوددر. بر مملکتك قانونلرینك احکامی، او مملکتك حرشك آینه سیدر. بر مملکتك حرثی تدقیق ایدلدیکی وقت، او مملکتده مرعی اولان قوانین نظر اعتباره التلی.

بابل حرثی اسکی و یوکسك اولقله، اونك یعنی بابلک، باشلی باشنه سامی حرشك

انکشافه واسطه اولدیفنی واسرائیل و عرب حرثلرینک صرف بابل حرثندن استعاره ایدلکلرینی فرض ایتمک طوغری دکلدرد. اسرائیل و عرب حرثلری، خارجدن کلن تأثیرات و صدماتدن صرف نظر ایله، وضعیت جغرافیه لری و مذکور وضعیتلرک احداث ایله دکلری شرائط اجتماعیه دائره سنده، سامی حیات ایچنده، تبلرائنس اصلی حرثلردرد. ایشته اسرائیل و عربک دنیوی احکام قانونیه سی، حرثلرینک درجه لریله متناسب بر صورتده انکشاف ایتمشدر. بواژده اوچ سامی واضع قانونک صرف احکامندن بحث ایدوب بر تفصیل احکام مذکورده نک تفسیر لرندن بحث ایتمه مکله برابر، منور مفسر لرک فائده لی تفسیر لرینک لزوم و اهمیتندن بحث ایتمک ایسترز.

اسکی قانونلرک احکامنک منشائی، عرف و عادات اولدیفندن وزمان ایله عرف و عادات دیکشدکجه، یکی عرف و عادات و طولایسیله یکی احکام میدانه کلدیکندن، عرف و عاداتک و طولایسیله احکامک زمانه و احتیاجانه کوره تبدل ایلملری، بر امر طبعیدرد. بواساسه استناداً، خامورابی قانوننک بعض اقسامی، اون درت عصر صوکره، زمانک احتیاجانه کوره تعدیلاته اوغرامشدر [۱]. موسی. پدرینه ووالده سنه شتم ایدنی اعدام ایله [۲] تجزیه ایدیور ایسه ده، بر مدت صوکره تلعین ایله [۳] اکتفا ایدیور. بو، زمانک اخلاقده بر تکامل افاده ایدر. کذلک موسی، طلاق حقنی ارککلره بخش ایدرک بوخصوصده قادینلرک حقوقه دائر هیچ برکله سوله مه مشدر [۴]. عبرانی واضع قانوننک قادینلر حقنده کی بوسکوتی، قادینلرک حقوقنی اخلال ایده مز ایدی تورانی تفسیر ایتمش اولان عبرانی مفسر لر، موسی نک فکرنی توسیعاً ارککلک طلاق شرائطنی تثبیت ایتدکلری کبی، قادینه طلاق حقنی اعطا ایله برابر شرائطنی دخی تثبیت ایتمشدر [۵]. محمد، زنا ایدن اولی بر قادینک، وفات ایدنجهیه قدر اوده آلیقونلسنی امر ایدر ایکن [۶] بر مدت صوکره زنا ایدن قادین ایله ارککلک، یوزر دکنک ایله تجزیه ایدلسنی

Die Literatur der Babylonier und Assyrier, ک Otto Weber [۱]

اثری. صحیفه ۲۴۹.

[۲] لاویلر، ۲۰/۹.

[۳] تثنیه، ۲۷/۱۹.

[۴] تثنیه، ۲۹/۱۹.

[۵] نلرود، کتوبوت کتافی، صحیفه ۷۱-۷۷ تلمود، מסכת כתובות 71-77.

[۶] نأ سوره سی، ۱۴.

امر ایدیور [۳]. پک آز بر زمان ظرفنده وقوع بولان بوتبدل، زمانک اخلاق واجتماعی حیاتنده، محسوس بر صلاح افاده ایدر. چونکه بالاده [صحیفه ده] سوبله ندیکی وجهله، عرب واضع قانونی، اوللرده، مسلک حاله کلمش اولان زنایی شدتلی تقييدات ایله منع ایدیور ایکن، بالاآخره معارضلرینک قوتی آزالدیگی واصلاتلرینک تاثیرینی کورمهک باشلادیگی وقت، زنا ایدنلرک یوزر دکنک ایله تجزیه ایدلمه لرینی امر ایدیور. یوکسک کوروشلی اولان واضع قانونک بوکبی امرینک، جمعیت بشریه نک ترقیسنه خادم اولدیگی آشکاردر.

دارالفنون مدرسی

آ. غلاشی

مفوقی اصطلاحلر

آووقات غاد فراقو پک افندییه

استاد محترم،

حقوقی بیلگیلر مجموعه سنک (۷) نومرولو نسخه سنده بعض فرانسز حقوقی کلملرک لسانمزده کی مقابللرینی تثبیت ایچون آرقداشلیکیزی بیان فکره دعوت ایندیکیکیزی اوقودم.

آرقداشلیکیزدن اولماقله برابر حقوق متسینندن بولنق طولایسیله بوخصوصده کی نقطه نظرینک عرضی، ولومورانه ده اولسه، فائده دن خالی عد ایتمم.

فکر بجه مذکور کلملرک مقابللری شونلردر:

jaune ، قانونه مقارن licite

غير جائز ، قانونه غیر مقارن illicite

محق ، حقه مفرون juste

حق ، حقوق droit

قانونی légal

[۳] نور سوره سی، ۲.